

古樂苑卷第十二

西吳 梅鼎祚 補正

東越 呂胤昌 校閱

橫吹曲辭一

橫吹曲其始亦謂之鼓吹馬上奏之蓋軍中之樂也北狄諸國皆馬上作樂故自漢已來北狄樂摠歸鼓吹署其後分爲二部有簫笳者爲鼓吹用之朝會道路亦以給賜漢武帝時南越七郡皆給鼓吹是也有鼓角者爲橫吹用之軍中馬上所奏者是也晉書樂志曰橫吹有鼓角又有胡角按周禮云以鼗鼓鼓軍事舊說云蚩尤氏帥魍魎與黃帝戰於涿鹿帝乃始命吹角爲龍鳴以禦之其後魏武北征烏丸越沙漠而軍士思歸於是減爲半鳴尤更悲矣橫吹有雙角卽胡樂也漢博望侯張騫入西域傳其法於西京唯得摩訶兜勒一曲李延年因胡曲更造新聲二十八解乘輿以爲武樂後



漢以給邊將和帝時萬人將軍得用之魏晉以來二十八解不復具存而世所用者有黃鵠等十曲其辭後亾又有關山月等八曲後世之所加也後魏之世有歎邏迴歌其曲多可汗之辭皆燕魏之際鮮卑歌歌辭虜音不可曉解蓋大角曲也又古今樂錄有梁鼓角橫吹曲多叙慕容垂及姚泓時戰陣之事其曲有企喻等歌三十六曲樂府胡吹舊曲又有隔谷等歌三十曲摠六十六曲未詳時用何篇也自隋以後始以橫吹用之鹵簿與鼓吹列爲四部摠謂之鼓吹並以供大駕及皇太子王公等一曰柁鼓部其樂器有柁鼓金鉦大鼓小鼓長鳴角吹鳴角大角七種柁鼓金鉦一曲夜警用之大鼓十五曲小鼓九曲大角七曲其辭並本之鮮卑二曰鐃鼓部其樂器有歌鼓簫笳四種凡十二曲三曰大橫吹部其樂器有角節鼓笛簫篳篥笳桃皮篳篥七種凡二十九曲四曰小橫吹部其樂器有角笛簫篳篥笳桃皮篳篥六種凡十二曲夜警亦用之

漢橫吹曲

擬漢

樂府解題曰漢橫吹曲二十八解李延年造魏晉已來唯傳十曲一曰黃鵠二曰隴頭三曰出關四曰入關五曰出塞六曰入塞七曰折楊柳八曰黃覃子九曰赤之揚十曰望行人後又有關山月洛陽道長安道梅花落紫騮馬驄馬雨雪劉生八曲合十八曲其辭並亡惟出塞一曲諸本載云古辭今列諸家擬者于後

隴頭

一曰隴頭水通典曰天水郡有大阪名曰隴坻亦曰隴山即漢隴關也辛氏三秦記曰其坂九回上者七日乃越上有清水四注下所謂隴頭水也

陳後主

隴頭征戍客寒多不識春驚風起嘶馬苦霧雜飛塵投錢積石水歛轡交河津四面夕冰合萬里望佳人

隴頭水

梁元帝

銜悲別隴頭關路漫悠悠故鄉迷遠近征人分去畱沙
飛曉成幕海氣旦如樓欲識秦川處隴水向東流

同前

劉孝威

從軍戍隴頭隴水帶沙流時觀胡騎飲常爲漢國羞
妻成兩劒殺子祀雙鉤頓取樓蘭頸就解郅支裘勿令
如李廣功遂不封侯

一作功多
遂不酬

同前

車敷

隴頭征人別隴水流聲咽只爲識君恩甘心從苦節雪
凍弓弦斷風鼓旗竿折獨有孤雄劒龍泉字不滅

同前

二首

陳後主

塞外飛蓬征隴頭流水鳴漠處揚沙暗波中燥葉輕地
風水易厚寒深溜轉清登山一回顧幽咽動邊情
高隴多悲風寒聲起夜叢禽飛暗識路鳥轉逐征蓬落
葉時驚沫移沙屢擁空回頭不見望流水玉門東

同前

徐陵

別塗聳千仞離川懸百丈攢荆夏不通積雪冬難上枝
交隴底暗石礙坡前響回首咸陽中唯言夢時往

同前

顧野王

隴底望秦川迢遞隔風煙蕭條落野樹幽咽響流泉瀚
海波難息交河水未堅寧知益山水逐節赴危絃

同前

謝燮

隴坂望咸陽
征人慘思腸
咽流喧斷岸
遊沫聚飛梁
鳬分歛冰彩
虹飲照旗光
試聽鏡歌曲
唯吟君馬黃

同前

二首

張正見

隴頭鳴四注
征人逐貳師
羌笛含流咽
胡笳雜水悲
湍高飛轉駛
澗淺蕩還遲
前旌去不見
上路杳無期
隴頭流水急
流急行難渡
遠入隗囂營
傍侵酒泉路
心交賜寶刀
小婦成紈袴
欲知別家久
戎衣今已故

同前

二首

江總

隴頭萬里外
天崖四面絕
人將蓬共轉
水與啼俱咽
驚

湍目湧沸古樹多摧折傳聞博望侯苦辛提漢節

霧暗山中日風驚隴上秋徒傷幽咽響不見東西流無

期從此別更度幾年幽遙聞玉關道望入杳悠悠

幽咽一作

鳴咽

入關

梁吳均

羽檄起邊庭烽火亂如螢是時張博望夜赴交河城馬

頭要落日劒尾掣流星君恩未得報何論身命傾

身命傾一作

作身

是傾

同前

詩彙作庾信

隋虞茂

隴雲低不散黃河咽復流關山多道里相接幾重愁

幾重

愁一作
萬重愁

出塞

晉書樂志曰出塞入塞曲李延年造曹嘉之晉書曰劉疇嘗避亂塢壁賈胡百數欲害之疇無懼色援箏而吹之爲出塞入塞之聲以動其遊客之思於是羣胡皆垂泣而去西京雜記高帝戚夫人善鼓瑟擊筑帝常擁夫人倚瑟而絃歌畢每泣下流漣夫人善爲翹袖折腰之舞歌出塞入塞望歸之曲侍婦數百皆習之後宮齊首高唱聲入雲霄則高帝時已有之疑不起於延年也唐又有塞上塞下曲蓋出於此

古辭

候騎出甘泉
奔命入居延
旗作浮雲影
陣如明月弦

同前

梁劉孝標

薊門秋氣清
飛將出長城
絕漠衝風急
交河夜月明
陷

敵從金鼓摧鋒揚旆去去無終極日暮動邊聲

同前

一作塞下曲

周王褒

飛蓬似征客千里自長驅塞禽唯有鴈關樹但生榆背

山看故壘繫馬識餘蒲還因麾下騎來送月支圖

三齊畧記

秦始皇至東海蟠蒲繫馬至今其地蒲生皆糾結

同前

薛道衡虞世基和

隋楊素

漠南胡未空漢將復臨戎飛狐出塞北碣石指遼東冠
軍臨瀚海長平翼大風雲橫虎落陣氣抱龍城虹橫行
萬里外胡運百年窮兵寢星芒落戰解月輪空嚴鑣息
夜斗驂角罷鳴弓北風嘶朔馬胡霜切塞鴻休明大道

暨幽荒日用同方就長安邸來謁建章宮

幽荒日用同一作幽荒日

照同

漢虜未和親憂國不憂身握手河梁上窮涯北海濱據
鞍獨懷古忼慨感良臣歷覽多舊迹風日慘愁人荒塞
空千里孤城絕四鄰樹寒偏易古草衰恒不春交河明
月夜陰山苦霧辰雁飛南入漢水流西咽秦風霜久行
役河朔備艱辛薄暮邊聲起空飛胡騎塵

同前

二首

薛道衡

高秋白露團上將出長安塵沙塞下暗風月隴頭寒轉
蓬隨馬足飛霜落劒端凝雲沙代郡流水凍桑乾烽微

枯槁遠橋峻轆轤難從軍多惡少召募盡材官伏堤時
臥鼓疑兵作解鞍柳城擒冒頓長坂納呼韓受降今更
築燕然已重刊還嗤傳介子辛苦刺樓蘭

柳城擒冒頓
一作龍城擒

月
頓

邊庭烽火驚插羽夜徵兵少昊騰金氣文昌動將星長
驅鞬汗北直指夫人城絕漠三秋暮窮陰萬里生寒夜
哀笳曲霜天斷鴈聲連旗下鹿塞疊鼓向龍庭妖雲墜
虜陣暈月遶胡營左賢皆頓顙單于已繫纓緃馬登玄
闕鈎鯤臨北溟當知霍驃騎高第起西京

同前

二首後首一作虞世南按世基與道衡並
和楊素作各二首句數亦同則此似非世

南
矣

虞世基

窮秋塞草腓塞外胡塵飛徵兵廣武至候騎陰山歸廟
堂千里策將軍百戰威轅門臨玉帳大旆指金微摧朽
無勅敵應變有先機銜枚壓曉陣卷甲解朝圍瀚海波
瀾靜王庭氛霧晞鼓鼙嚴朔氣原野暄寒暉勳庸震邊
服歌吹入京畿待拜長平坂鳴騶入禮闈

卷甲解朝闈
一作卷甲掩

宵
闈

上將三略遠元戎九命尊緬懷古人節思酬明主恩山
西多勇氣塞北有遊魂揚桴度隴坂勒騎上平原誓將
絕沙漠悠然去玉門輕齋不遑舍驚策驚戎軒懍懍邊

風急蕭蕭征馬煩雪暗天山道冰塞交河源霧烽黯無
色霜旗凍不翻耿介倚長劔日落風塵昏

度隴一作上隴勒騎上一

作勒

馬下

入塞

周王褒

戍久風塵色勳多意氣豪建章樓閣迴長安陵樹高度
冰傷馬骨經寒墜節旄行當見天子無假用錢刀

同前

隋何妥

桃林千里險候騎亂紛紛問此將何事嫖姚封冠軍回
旌引流電歸蓋轉行雲待任蒼龍傑方當論次勳

方當一作

何當

折楊柳

唐書樂志曰梁樂府有胡吹歌云上馬不捉鞭反拘楊柳枝下馬吹橫笛愁殺

行客兒此歌辭元出北國卽鼓角橫吹曲折楊柳枝是也宋書五行志曰晉太康末京洛爲折楊柳之歌其曲有兵革苦辛之辭按古樂府又有小折楊柳相和大曲有折楊柳行清商四曲有月節折楊柳歌十三曲與此不同

梁元帝

山高巫峽長垂柳復垂楊同心且同折故人懷故鄉山似蓮花艷流如明月光寒夜猿聲徹遊子淚霑裳

同前

一本作簡文帝

柳惲

楊柳亂成絲攀折上春時葉密鳥飛礙風輕花落遲城高短簫發林空畫角悲曲中別無意併是爲相思

別無意一

作無別意

同前

劉邈

高樓十載別楊柳
濯絲枝摘葉驚開
駛攀條恨久離年
年阻音息月月減
容儀春來誰不望
相思君自知

同前

二首

陳後主

楊柳動春情
倡園妾屢驚人
樓含粉色依風雜
管聲武昌識新種
官渡有殘生
還將出塞曲
仍共胡笳鳴

仍共一作

仍作

長條黃復綠
垂絲密且繁
花落幽人逕
步隱將軍屯
谷暗宵鉦響
風高夜笛喧
聊持暫攀折
空足憶中園

空足一作

空是

同前

岑之敬

將軍始見知細柳繞營垂懸絲拂城轉飛絮上宮吹塞
門交度葉谷口暗橫枝曲成攀折處唯言怨別離

同前

徐陵

嫋嫋河堤樹依依魏主營江陵有舊曲洛下作新聲妾
對長楊苑君登高柳城春還應共見蕩子太無情

同前

張正見

楊柳半垂空裊裊上春中枝疎董澤箭葉碎楚臣弓色
映長河水花飛高樹風莫言限宮掖不閉長楊宮

同前

王瑳

塞外無春色上林柳已黃枝影侵宮暗葉彩亂星光陌
頭藏戲鳥樓上掩新粧攀折思爲贈心期別路長

同前

江揔

萬里音塵絕千條楊柳結不悟倡園花遙同天嶺雪春
心自浩蕩春樹聊攀折共此依依情無奈年年別

天一作羌

關山月

樂府解題曰關山月傷離別也古木蘭詩曰萬里赴戎機關山度若飛朔氣傳

金柝寒光照鐵衣按相和曲有度關山亦類此

梁元帝

朝望清波道夜上白登臺月中含桂樹流影自徘徊寒
沙逐風起春花犯雪開夜長無與晤衣單誰爲裁

同前

二首

陳後主

秋月上中天迴照關城前
暈缺隨灰滅光滿應珠圓
帶樹還添桂銜峰乍似弦
復教征戍客長怨久連翩
戍邊歲月久恒悲望舒耀
城遙接暈高澗風連影搖
寒光帶岫徙冷色含山峭
看時使人憶爲似嬌娥照

同前

陸瓊

邊城與明月俱在關山頭
焚烽望別壘擊斗宿危樓
團團婕妤扇纖纖秦女鈎
鄉園誰共此愁人屢益愁

同前

張正見

巖間度月華流彩映山斜
暈逐連城壁輪隨出塞車
唐莫遙合影秦桂遠分花
欲驗盈虛駛方知道路賒

駛一作理

同前二首

徐陵

關山三五月客子憶秦川
思婦高樓上當牕應未眠
星旗映疎勒雲陣上祁連
戰氣今如此從軍復幾年
月出柳城東微雲掩復通
蒼茫縈白暈蕭瑟帶長風
羌兵燒上郡胡騎獵雲中
將軍擁節起戰士夜鳴弓

同前

賀力牧

重關歛暮煙明月下秋前
照石疑分鏡臨弓似引弦
霧暗迷旗影霜濃濕劒蓮
此處離鄉客遙心萬里懸

霧一作雷

同前

阮卓

關山陵漢開霜月正徘徊
映林如璧碎侵塞似輪摧
楚

師隨晦盡胡兵逐暖來寒笳將夜鵲相亂晚聲哀

同前

江摠

兔月半輪明孤關一路平無期造此別復欲幾年行映
光書漢奏分影照胡兵流落今如此長戍受降城

同前

周王褒

關山夜月明秋色照孤城影虧同漢陣輪滿逐胡兵天
寒光轉白風多暈欲生寄言亭上吏遊客解雞鳴

洛陽道

梁簡文帝

洛陽佳麗所大道滿春光遊童時挾彈蚕妾始提筐金
鞍照龍馬羅袂拂春桑玉車爭曉入潘果溢高箱

時一作初

同前

梁元帝

洛陽開大道城北達城西青槐隨幔拂綠柳逐風低玉珂鳴戰馬金爪鬪塲雞桑萎日行暮多逢秦女妻

同前

沈約

洛陽大道中佳麗實無比燕裙傷日開趙帶隨風靡領上蒲桃繡腰中合歡綺佳人殊未來薄暮空徙倚

同前

庾肩吾

微道臨河曲曾城傍洛川金門纔出柳桐井半含泉日起杲愚外車回雙闕前潘生時未返遙心徒眷然

同前

車敷

樂府 卷二
洛陽道八達洛陽城九重重關如隱起雙闕似芙蓉王
孫重行樂公子好遊從別有傾人處佳麗夜相逢

同前

五首

陳後主

諠譁照邑里遨遊出洛京霜枝嫩柳發水蘚薄苔生停
鞭回去影駐軸敞前薨臺上經相識城下屢逢迎踟躕
還借問只重未知名

日光朝杲杲照耀東京道霧帶城樓開啼侵曙色早佳
麗嬌南陌香氣含風好自憐釵上纓不歎河邊草

建都開洛汭中地乃城陽縱橫肆八達左右闢康莊銅
溝飛柳絮金谷落花光忘情伊水側稅駕河橋傍

百尺瞰金埒九衢通玉堂柳花塵裏暗槐色露中光遊
俠幽并客當壚京兆妝向夕風煙晚金羈滿洛陽
青槐夾馳道御水映銅溝遠望凌霄闕遙看井幹樓黃
金彈俠少朱輪盛徹侯桃花雜渡馬紛披聚陌頭

同前

二首

徐陵

綠柳三春暗紅塵百戲多東門向金馬南陌接銅駝華
軒翼葆吹飛蓋響鳴珂潘郎車欲滿無奈擲花何

洛陽馳道上春日起塵埃濯龍望如水河橋度似雷聞
珂知馬蹀傍幟見薨開相看不語密意眼中來

水一作雲霧

同前

岑之敬

喧喧洛水濱鬱鬱小平津路傍桃李節陌上採桑春聚
車看衛玠連手望安仁復有能畱客莫愁嬌態新

同前

陳暄

洛陽九達上羅綺四時春路傍避驄馬車中看玉人鎮
西歌豔曲臨淄逢麗神欲知雙璧價潘夏正連茵

達一作衢

同前

王璩

洛陽夜漏盡九重平日開日照蒼龍闕煙遶鳳凰臺浮
雲翻似益流水到成雷曹王鬪雞返潘仁載果來

同前

張正見

曾城啓旦扉上洛滿春暉柳影緣溝合槐花夾岸飛蘇

合彈珠罷黃間負翳歸紅塵暮不息相看連騎稀

同前 二首

江揔

德陽穿洛水伊闕通河橋仙舟李膺棹小馬王戎鑣杏
堂歌吹合槐路風塵饒綠珠含淚舞孫秀彊相邀

小平路四達長秋聽五鐘玉節迎司隸錦車歸濯龍絃
歌聲不息環佩響相從花障蕩舟笑日映下山逢

路一作臨

長安道

梁簡文帝

神臯開隴右陸海實西秦金槌抵長樂複道向宜春落
花依度幘垂柳拂行人金張及許史夜夜尚留賓

金槌一作推輪

同前

元帝

西接長楸道南望小平津飛甍臨綺翼輕軒影畫輪雕
鞍承赭汗槐路起紅塵燕姬雜趙女淹留重上春

同前

庾肩吾

桂宮延複道黃山開廣路遠聽平陵鐘遙識新豐樹合
殿生光彩離宮起煙霧日落歌吹回塵飛車馬度

一作還

同前

陳後主

建章通未央長樂屬明光大道移甲第甲第玉爲堂遊
蕩新豐裏戲馬渭橋傍當壚晚留客夜夜苦紅粧

同前

顧野王

鳳樓臨廣路仙掌入煙霞章臺京兆馬逸陌富平車東

門踈廣餞北闕董賢家渭橋縱觀罷安能訪狹斜

同前

阮卓

長安馳道上鐘鳴宮寺開殘雲銷鳳闕宿霧歛章臺騎
轉金吾度車鳴丞相來藹藹東都晚羣公駟御回

同前

蕭賁

前登灞陵道還瞻渭水流城形類北斗橋勢似牽牛飛
軒駕良駟寶劒雜輕裘經過狹斜裏日暮與淹留

裏一作里

同前

徐陵

輦道乘雙闕豪雄被五都橫橋象天漢法駕應坤圖韓
康賣良藥董偃驚明珠喧喧擁車騎非但執金吾

同前

陳暄

長安開繡陌三條向綺門張敞車單馬韓嫣乘副軒寵
深來借殿功多競買園將軍夜夜返絃歌著曙暄

同前

江揔

翠蓋乘承露金羈照落暉五侯新拜罷七貴早朝歸轟
轟紫陌上藹藹紅塵飛日暮延平客風花拂舞衣

同前

周王褒

槐衢回北第馳道度西宮樹陰連袖色塵影雜衣風採
桑逢五馬停車對兩童喧喧許史座鐘鳴賓未窮

同前

隋何妥

長安狹斜路縱橫四達分車輪鳴鳳轄箭服耀魚文五陵多任俠輕騎自連羣少年皆重氣誰識故將軍

梅花落

梅花落本笛中曲也按唐大角曲亦有單于小單于大梅花小梅花等曲今

其聲猶有存者

宋鮑照

中庭雜樹多偏爲梅咨嗟問君何獨然念其霜中能作花露中能作實搖蕩春風媚春日念爾零落逐風飈徒有霜華無霜質

同前

梁吳均

終冬十二月寒風西北吹獨有梅花落飄蕩不依枝流連逐霜彩散漫下冰澌何當與春日共映芙蓉池

同前

二首

陳後主

金砌落芳梅飄零上鳳臺拂粧疑粉散逐溜似萍開映
日花光動迎風香氣來佳人早挿髻試立且徘徊金一作春
楊柳春樓邊車馬飛風煙連娉烏孫伎屬客單于羶鴈
聲不見書蠶絲欲斷弦欲持塞上蕊試立將軍前

同前

徐陵

對戶一株梅新花落故栽燕拾還蓮井風吹上鏡臺倡
家怨思妾樓上獨徘徊啼看竹葉錦箋罷未成裁怨一作愁

同前

蘇子卿

中庭一樹梅寒多葉未開祇言花是雪不悟有香來上

郡春恒晚高樓年易催織書偏有意教逐錦文回

是一作似

同前

張正見

芳樹映雪野發早覺寒侵落遠香風急飛多花逕深周
人歎初標魏帝指前林邊城少灌木折此自悲吟

雪一作雲

同前

三首末一首文苑英華作徐陵玉臺新詠作摠

江摠

縹色動風香羅生枝已長妖姬墜馬髻未插江南璫轉
袖花紛落春衣共有芳羞作秋胡婦獨採城南桑

胡地少春來三年驚落梅偏疑粉蝶散乍似雪花開可
憐香氣歇可惜風相摧金鏡且莫韻玉笛幸徘徊

臘月正月早驚春衆花未發梅花新可憐芬芳臨玉臺

朝攀晚折還復開
長安少年多輕薄
兩兩常唱梅花落
滿酌金卮催玉柱
落梅樹下宜歌舞
金谷萬株連綺薨
梅花密處藏嬌鶯
桃李佳人欲相照
摘葉牽花來竝笑
楊柳條青樓上輕
梅花色白雪中明
橫笛短簫淒復切
誰知柏梁聲不絕

紫騮馬

古今樂錄曰紫騮馬古辭云十五從軍征八十始得歸道逢鄉里人家中有阿

誰又梁曲曰獨柯不成樹獨樹不成林念娘錦襴襦恒長不忘心蓋從軍久戍懷歸而作也

梁簡文帝

賤妾朝下機
正值良人歸
青絲懸玉鐙
朱汗染香衣
驟急珂彌響
踴多塵亂飛
雕弧幸可薦
故君心莫違

若一作人

同前

郭本遺後四句

元帝

長安美少年金絡錦連錢宛轉青絲鞵照耀珊瑚鞭依
槐復依柳蹀躞復隨前方逐幽并去西北共聯翩

同前

二首

陳後主

嫋姚紫塞歸蹀躞紅塵飛玉珂鳴廣路金絡耀晨輝益
轉時移影香動屢驚衣禁門猶未閉連騎恣相追
一作莫相違
蹀躞紫騮馬照耀白銀鞍直去黃龍外斜趨玄菟端垂
韉還細柳揚塵歸上蘭紅臉桃花色客別重羞看

同前

李燮

紫燕忽踟躕紅塵起路隅
園人移首宿騎士逐麋蕪三

邊追點虜一鼓定疆胡安用珂爲玉自有汗成珠

同前

徐陵

玉鐙繡纏髭金鞍錦覆幪風驚塵未起草淺埒猶空角
弓穿兩兔珠彈落雙鴻日斜馳逐罷連翩還上東

穿一作連

同前

張正見

將軍入大宛善馬出從戎影絕乾河上聲流水窟中似
鹿猶疑草如龍欲向空須還十萬里試爲一追風

水一作入

同前

陳暄

天馬汗如紅鳴鞭度九嶷飲傷城下凍嘶依北地風笳
寒芳樹歇笛怨柳枝空橫行意未已羞住轂車中

住一作往

同前一作蘇子卿

祖孫登

候騎陌樓蘭長城迴路難嘶從風處斷骨住水中寒飛
塵暗金勒落淚灑銀鞍抽鞭上關路誰念客衣單迴一作迴

同前

獨孤嗣宗

倡樓望早春寶馬度城闌照耀桃花迴蹀躞採桑津金
羈麗初景玉勒染輕塵遠聽珂驚急猶是畫眉人猶一作知

同前

江總

春草正萋萋蕩婦出空閨識是東方騎猶帶北風嘶揚
鞭向柳市細蹀躞上金堤願君憐織素殘妝尚有啼

驄馬

一口驄馬驅皆言
關征役之事

梁車敕

驄馬鏤金鞍
柘彈落金丸
意欲趨趨走
先作野遊盤
平明發下蔡
日中過上蘭
路遠行須疾
非是畏人看

同前

題一有曲字

劉孝威

十五宮期門
二十屯邊徼
犀羈玉鏤鞍
寶刀金錯鞘
一隨驄馬驅
分受青蠅弔
且令都護知
願被將軍照
誓使氊衣鄉
掃地無遺噍

同前

隋庾抱

櫪上浮雲驄
本出吳門中
發跡來東道
長鳴起北風
迴鞍拂柱白
赭汗類塵紅
滅沒徒畱影
無因圖漢宮

同前

王由禮

善馬金羈飾躡影復凌空影入長城水聲隨胡地風控
歛青門外珂喧紫陌中行行苦不倦唯當御史驄

驄馬驅

梁元帝

朔方寒氣重胡關饒苦霧白雪晝凝山黃雲宿埋樹連
翩行役子終朝征馬驅試上金微山還看玉關路

驅都故切

同前

劉孝威

翩翩驄馬驅橫行復斜趨先救遼城危後拂燕山霧風
傷易水湄日入隴西樹未得報君恩聯翩終不住

趨去聲

同前

陳徐陵

白馬號龍駒雕鞍名鏤渠諸兄二千石小婦字羅敷倚

端輕掃史召募擊休屠塞外多風雪城中絕詔書空憶

長楸下連蹠復連蹠

渠一作衢
史一作吏

同前

江揔

長城兵氣寒飲馬詎為難暫解青絲轡行歇鏤衢鞍白
登圍轉急黃河凍不乾萬里朝飛電論功易走丸

雨雪

采薇詩曰昔我往矣楊柳依依今我來思
雨雪霏霏穆天子傳曰天子遊于黃室之
曲筮獵萍澤天子乃休日中大寒北風雨雪

有來人天子作詩三章以哀之曰我徂黃竹
是也雨雪曲
盖取諸此

陳後主

一作雨
雪曲

長城飛雪下邊關地籟吟濛濛九天暗霏霏千里深樹
冷月恒少山霧日偏沈况聽南歸鴈切思胡笳音

雨雪曲

陳江暉

邊城風雪至客子自心悲
風哀笳弄斷雪暗馬行遲
輕生本爲國重氣不關私
恐君猶不信撫劍一揚眉

同前

張正見

胡關辛苦地雲路遠漫漫
含冰踏馬足雜雨凍旗竿
沙漠飛恒暗天山積轉寒
無因辭日逐團扇掩齊紈

同前

江揔

雨雪隔榆溪從軍度隴西
遶陣看狐迹依山見馬蹄
天寒旗彩壞地暗鼓聲低
漫漫愁雲起蒼蒼別路迷

同前

陳暄

都尉出邠連雨雪滿雞田雕陵持抵鵲屬國用和羶冰
合軍應渡樓寒烽未然花迷差未著踈勒復經年

同前

謝燮

朔邊昔離別寒風復淒切
戔戔六尺冰飄飄千里雪
未塞袁安戶行封蘇武節
應隨隴水流幾過空鳴咽

空一作疑

劉生

樂府解題曰劉生不知何代人齊梁已來
爲劉生辭者皆稱其任俠豪放周遊五陵

三秦之地或云抱劍專征爲符節官所未詳
也按古今樂錄梁鼓角橫吹曲有東平劉生
歌疑卽此

劉生也

梁元帝

任俠有劉生然諾重西京
扶風好驚坐長安恒借名
橘花聊夜飲竹葉解朝醒
結交李都尉遨遊佳麗城

同前

吳均

結客少年歸翩翩駿馬肥報恩殺人竟賢君賜錦衣握
蘭登建禮拖玉入含暉顧看草玄者功名終自微

同前

陳後主

遊俠長安中置驛過新豐擊鐘蒲壁磬鳴弦柳葉弓孟
公正驚客朱家始賣僮羞作荆卿笑捧劍出遼東

柳一作楊

同前

張正見

劉生絕名價豪俠恣遊陪金門四姓聚繡轂五侯來塵
飛馬腦勒酒映碑礫杯別有追遊夜秋牕向月開

侯一作香

同前

江暉

五陵多美選六郡盡良家劉生代豪蕩標舉獨榮華寶
劍長三尺金樽滿百花唯當重意氣何處有驕奢

同前

徐陵

劉生殊倜儻任俠遍京華戚里驚鳴筑平陽吹怨笳俗
儒排左氏新室忌漢家高才被擯壓自古共憐嗟

同前

外編作隋王由
禮題云贈俠侶

江總

劉生負意氣長嘯且徘徊高論明秋水命賞陟春臺干
戈倜儻用筆硯縱橫才置驛無年限遊俠四方來

高一作
薛

同前

隋柳莊

座驚稱字孟英雄道姓劉廣陌通朱邸大路起青樓要

賢驛已置留賓轄且投光斜日下霧庭陰月上鈎

且一作仍

同前

弘執恭

英名振關右雄氣逸江東遊俠五都內去來三秦中
劍照七星影馬控千金驄縱橫方未息因茲定武功

古樂苑卷第十二終

古樂苑卷第十三

西吳 梅鼎祚 補正

東越 呂胤昌 校閱

橫吹曲辭

梁

陳

梁鼓角橫吹曲

古今樂錄曰梁鼓角橫吹曲有企喻瑯琊王鉅鹿公主紫騮馬黃淡思地驅樂雀勞利慕容垂隴頭流水等歌三十六曲二十五曲有歌有聲十一曲有歌是時樂府胡吹舊曲有大白淨皇太子小白淨皇太子雍臺掄臺胡遵利祗女淳于王捉搦東平劉生單廸歷魯爽半和企喻北敦胡度來十四曲三曲有歌十一曲亾又有隔谷地驅樂紫騮馬折楊柳幽州馬客吟慕容家自魯企由谷隴頭魏高陽王樂人等歌二十七曲合前三曲凡三十曲摠六十六曲江淹橫吹

賦云奏白臺之二曲起關山之一引採菱謝而自罷綠水慙而不進則白登關山又是三曲按歌辭有木蘭一曲不知起於何代也

企喻歌辭

古今樂錄曰企喻歌四首本北歌唐書樂志曰北狄樂其可知者鮮卑吐

谷渾部落稽三國皆馬上樂也後魏樂府始有北歌卽所謂真人代歌是也大都時命掖庭宮女晨夕職之周隋世與西涼樂雜奏今存者五十三章其名可解者六章慕容可汗吐谷渾部落稽鉅鹿公主白淨皇太子企喻也其不可解者咸多可汗之辭北虜之俗呼主爲可汗吐谷渾又慕容別種知此歌是燕魏之際鮮卑歌也其詞虜音竟不可曉梁胡吹又有大白淨皇太子小白淨皇太子企喻等曲隋鼓吹有白淨皇太子曲與北歌校之其音皆異又有半和企喻北敦蓋曲之變也四曲曲四解

男兒欲作健結伴不須多鷄子經天飛羣雀兩向波

放馬大澤中草好馬著臙牌子鐵裯襠鈺鉞鵲尾條
前行看後行齊著鐵裯襠前頭看後頭齊著鐵鈺鉞

男兒可憐蟲出門懷死憂尸喪狹谷中白骨無人收

古今

樂錄云是符融詩本云深山解谷口把谷無人收

頭毛墮落魄飛揚百草頭

或云

後又有此二句

瑯琊王歌辭

八曲曲四解

新買五尺刀懸著中梁柱一日三摩娑劇於十五女

瑯琊復瑯琊瑯琊大道王陽春二三月單衫繡裯襠

東山看西水水流盤石間公死姥更嫁孤兒甚可憐

瑯琊復瑯琊瑯琊大道王鹿鳴思長草愁人思故鄉

長安十二門光門最妍雅渭水從壟來浮遊渭橋下

瑯琊復瑯琊女郎大道王孟陽三四月移鋪逐陰涼或又

有云盛冬十一月就女覓凍漿

客行依主人願得主人彊猛虎依深山願得松柏長

憎馬高纏髻遙知身是龍誰能騎此馬唯有廣平公晉書

載記廣平公姚弼興之子泓之弟也

鉅鹿公主歌辭唐書樂志曰梁有鉅鹿公主歌似是姚萇時歌其詞華音與北

歌不同三曲曲四解

官家出遊雷大鼓細乘犢車開後戶

車前女子年十五手彈琵琶玉節舞

鉅鹿公主殷照女皇帝陛下萬幾主

紫騮馬歌辭

吳兢曰此詩晉宋人樂奏之首增四句名紫騮馬十五從軍征以下

是古詩六

曲曲四解

燒火燒野田野鴨飛上天童男娶寡婦壯女笑殺人
高高山頭樹風吹葉落去一去數千里何當還故處
十五從軍征八十始得歸道逢鄉里人家中有阿誰
遙看是君家松柏冢纍纍兔從狗竇入雉從梁上飛
中庭生旅穀井上生旅葵春穀持作飢採葵持作羹
羹飢一時熟不知飢阿誰出門東向看淚落沾我衣

紫騮馬歌

古今樂錄曰與前曲不同

獨柯不成樹獨樹不成林念郎錦襖恒長不忘心

黃淡思歌辭

古今樂錄曰思音相思之思按李延年造橫吹曲二十八解有黃覃

子不知與此同
否四曲曲四解

歸歸黃淡思逐郎還去來歸歸黃淡百逐郎何處索
心中不能言復作車輪旋與郎相知時但恐傷人聞
江外何鬱拂龍洲廣州出象牙作帆檣綠絲作幃綵
綠絲何葳蕤逐郎歸去來

地驅樂歌辭

古今樂錄曰側側力力以下八句是今歌有此曲四曲曲四解

青青黃黃雀石積唐槌殺野牛押殺野羊
驅羊入谷自羊在前老女不嫁蹋地喚天

側側力力念君無極枕郎左臂隨郎轉側

摩挲郎鬚看郎顏色郎不念女不可與力或云各自努力

地驅樂歌古今樂錄曰與前曲不同

月明光光星欲墮欲來不來早語我

雀勞利歌辭一曲曲四解

雨雪霏霏雀勞利長觜飽滿短觜饑

慕容垂歌辭晉書載記曰慕容本名軼尋以識記乃去夫以垂為名慕容雋偕號

封垂為吳王徙鎮信都太元八年自稱燕王三曲曲四解

慕容攀牆視吳軍無邊岸我身分自當枉殺牆外漢

慕容愁憤憤燒香作佛會願作牆裏燕高飛出牆外

慕容出墻望吳軍無邊岸咄我臣諸佐此事可惋歎

隴頭流水歌辭

古今樂錄曰樂府有此歌曲解多於此按漢橫吹曲有隴頭而

亡其辭三

曲曲四解

隴頭流水流離西下念吾一身飄曠野

西上隴阪羊腸九回山高谷深不覺脚酸

手攀弱枝足踰弱泥

隴頭歌辭

隴頭水流離山下念吾一身飄然曠野

朝發欣城暮宿隴頭寒不能語舌卷入喉

隴頭流水鳴聲幽咽遙看秦川心肝斷絕

隔谷歌

古今樂錄曰前云無辭樂工有辭如此

兄在城中弟在外
弓無弦箭無括
食糧乏盡若爲活
救我來救我來

隔谷歌

郭本別列在後今從左本附此

古辭

兄爲俘虜受困辱
骨露力疲食不足
弟爲官吏馬食粟
何惜錢刀來我贖

淳于王歌

肅肅河中育育熟
須含黃獨坐空房中
思我百媚郎
百媚在城中
千媚在中央
但使心相念
高城何所妨

東平劉生歌

東平劉生安東子樹木稀屋裏無人看阿誰

捉搦歌

四曲

粟穀難舂付石臼弊衣難護付巧婦男兒千凶飽人手
老女不嫁只生口

誰家女子能行步反著袂禪後裙露天生男女共一處
願得兩箇成翁嫗

華陰山頭百丈井下有流水徹骨冷可憐女子能照影
不見其餘見斜領

黃桑柘屐蒲子履中央有系兩頭繫小時憐母大憐婿

何不早嫁論家計

系一作經

折楊柳歌辭

瑟調有折楊柳行左克明云舊本五句并後又有三解非也乃別曲耳

上馬不捉鞭反折楊柳枝蹀座吹長笛愁殺行客兒
腹中愁不樂願作郎馬鞭出入擐郎臂蹀座郎膝邊
放馬兩泉澤忘不著連羈擔鞍逐馬走何得見馬騎
遙看孟津河楊柳鬱婆娑我是虜家兒不解漢兒歌
健兒須快馬快馬須健兒蹴跋黃塵下然後別雄雌

折楊柳枝歌

郭本別列在後四曲曲四解

上馬不捉鞭反拘楊柳枝下馬吹長笛愁殺行客兒
門前一株棗歲歲不知老阿婆不嫁女那得孫兒抱
敕敕何力力女子臨牕織不聞機杼聲唯聞女歎息

此與

下問女二句
木蘭詩中語

問女何所思問女何所憶阿婆許嫁女今年無消息

幽州馬客吟歌辭

五曲曲
四解

快馬常苦瘦勦兒常苦貧黃禾起羸馬有錢始作人
熒熒帳中燭燭滅不久停盛時不作樂春花不重生
南山自言高只與北山齊女兒自言好故人郎君懷
郎著紫袴褶女著綵袂裙男女共燕遊黃花生後園
黃花鬱金色綠蛇銜珠丹辭謝牀上女還我十指環
慕容家自魯企由谷歌
一曲
四解
郎在千重樓女在九重閣郎非黃鸝子那得雲中雀

高陽樂人歌

古今樂錄曰魏高陽王樂人所作也又有白鼻騮出此二曲世四解

可憐白鼻騮相將入酒家無錢但共飲畫地作交賒
何處謀觴來兩頰色如火自有桃花容莫言人勸我

白鼻騮

後魏溫子昇

少年多好事攬轡向西都相逢狹斜路駐馬詣當壚

雍臺

梁武帝

日落登雍臺佳人殊未來綺牕蓮花掩網戶琉璃開
茸臨紫桂蔓延交青苔月殘光陰盡望子獨悠哉

同前

吳均

雍臺十二樓樓樓鬱相望隴西飛狐口白日盡無光

木蘭詩

二首古今樂錄曰木蘭不知名詐作男子代父征行其辭最苦言萬里赴戎機

關山度若飛相和曲有度關山類此浙江西道觀察使兼御史中丞韋元甫續附入

唧唧復唧唧木蘭當戶織不聞機杼聲唯聞女歎息問
女何所思問女何所憶女亦無所思女亦無所憶昨夜
見軍帖可汗大點兵軍書十二卷卷卷有爺名阿爺無
大兒木蘭無長兄願爲市鞍馬從此替爺征東市買駿
馬西市買鞍韉南市買轡頭北市買長鞭旦辭爺孃去
暮宿黃河邊不聞爺孃喚女聲但聞黃河流水鳴濺濺
旦辭黃河去暮至黑山頭不聞爺孃喚女聲但聞燕山
胡騎鳴啾啾萬里赴戎機關山度若飛朔氣傳金柝寒

光照鐵衣將軍百戰死壯士十年歸歸來見天子天子
坐明堂策勳十二轉賞賜百千彊可汗問所欲木蘭不
用尚書郎願馳千里足送兒還故鄉爺孃聞女來出郭
相扶將阿姊聞妹來當戶理紅粧小弟聞姊來磨刀霍
霍向猪羊開我東閣門坐我西間牀脫我戰時袍著我
舊時裳當牕理雲鬟挂鏡帖花黃出門看火伴火伴皆
驚忙同行十二年不知木蘭是女郎雄兔脚撲朔雌兔
眼迷離雙兔傍地走安能辨我是雄雌

唧唧復唧唧一作促織何唧唧

旦一作朝至

一作宿賞賜一作賜物可汗問所欲木蘭

不用尚書郎

一作欲與木蘭賞不願尚書郎願馳千里

足西陽襍俎云願借明駝千里足

阿姊聞妹來一作阿姊聞姊來挂一作對皆作始朔作嗟迷作彌雙作兩

木蘭抱杼嗟借問復爲誰欲聞所憾憾感激彊其顏老
父隸兵籍氣力日衰耗豈足萬里行有子復尚少胡沙
沒馬足朔風裂人膚老父舊羸病何以彊自扶木蘭代
父去秣馬備戎行易却紈綺裳洗却鉛粉粧馳馬赴軍
幕慷慨攜干將朝屯雪山下暮宿青海傍夜襲燕支虜
更攜干闥羌將軍得勝歸士卒還故鄉父母見木蘭喜
極成悲傷木蘭能承父母顏却卸巾韉理絲簧昔爲列
士雄今復嬌子容親戚持酒賀父母始知生女與男同
門前舊軍都十年共崎嶇本結兄弟交歟戰誓不渝今
也見木蘭言聲雖是顏貌殊驚愕不敢前歎重徒嘻吁

世有臣子心能如木蘭節忠孝兩不渝千古之名焉可

滅

古文苑作唐人木蘭詩

橫吹曲

陳江攄

簫聲鳳臺曲洞吹龍鐘管鏜鏘漁陽摻怨抑胡笳斷

古樂苑卷第十三

終

古樂苑卷第十四

西吳 梅鼎祚 補正

東越 呂胤昌 校閱

相和歌辭

宋書樂志曰相和漢舊曲也絲竹更相和執節者歌本一部魏明帝分爲二更遍夜宿本十七曲朱生宋識列和等復合之爲十三曲其後晉荀勗又採舊辭施用於世謂之清商三調歌詩卽沈約所謂因絃管金石造歌以被之者也唐書樂志平調清調瑟調皆周房中曲之遺聲漢世謂之三調又有楚調側調楚調者漢之房中樂也側調者生於楚調與前三調摠謂之相和調晉書樂志凡樂章古辭存者並漢世街陌謳謠江南可採蓮烏生八九子白頭吟之屬其後漸被於絃管卽相和諸曲是也魏晉之世相承用之永嘉之亂中朝舊音散落江左後魏孝文宣武用師淮漢收其所獲南音

謂之清商樂相和諸曲亦皆在焉所謂清商正聲
相和五調伎也凡諸調歌辭並以一章爲一解古
今樂錄曰僖歌以一句爲一解中國以一章爲一
解王僧虔啓云古曰章今曰解解有多少當是先
詩而後聲詩叙事聲成文必使志盡於詩音盡於
曲是以作詩有豐約制解有多少諸調曲皆有辭
有聲而大曲又有豔有趨有亂辭者其歌詩也聲
者若羊吾夷伊那何之類也豔在曲之前趨與亂
在曲之後又大曲十五曲沈約並列於瑟調今依
張永元嘉正聲技錄分於諸調別叙大曲於其後
唯滿歌行一曲諸調不載故附見於大曲之下其
曲調先後亦準技錄爲次

相和六引

古今樂錄曰張永技錄相和有四引一曰笙篴
二曰商引三曰徵引四曰羽引笙篴引歌瑟調
東阿王辭門有車馬客行置酒篇並晉宋齊奏
之古有六引其宮引角引二曲闕宋爲笙篴引
有辭三引有歌聲而辭不傳梁具五引有歌有
辭凡相和其器有笙笛節歌琴瑟琵琶箏七種

箜篌引

一曰公無渡河崔豹古今注曰箜篌引者朝鮮津卒霍里子高妻麗玉所作也

子高晨起刺船有一白首狂夫被髮提壺亂流而渡其妻隨而止之不及遂墜河而死於是援箜篌而歌聲甚悽愴曲終亦投河而死子高還以語麗玉麗玉傷之乃引箜篌而寫其聲聞者莫不墮淚飲泣麗玉以其曲傳鄰女麗容名曰箜篌引又有箜篌謠不詳所起大畧言結交當有終始與此異也

古辭

公無渡河公竟渡河墮河而死將奈公何

同前

古今樂錄曰王僧虔伎錄有野田黃雀行今不歌樂府解題曰晉樂奏東阿王置酒

高殿上箜篌引亦用此曲集曰箜篌引植別有高樹多悲風海水揚其波一首疑此為箜篌引郭本收作野田黃雀行然此辭意又與箜篌引無涉

魏陳思王植

置酒高殿上親交從我遊中厨辦豐膳烹羊宰肥牛秦

箏何慷慨齊瑟和且柔解一陽阿奏奇舞京洛出名謳樂

飲過三爵緩帶傾庶羞主稱千金壽賓奉萬年酬解三久

要不可忘薄終義所尤謙謙君子德磬折欲何求盛時

不再來百年忽我適解三驚風飄白日光景馳西流生存

華屋處零落歸山丘先民誰不死知命復何憂四解

晉樂所奏
交一作友

置酒高殿上親交從我遊中厨辦豐膳烹羊宰肥牛秦

箏何慷慨齊瑟和且柔陽阿奏奇舞京洛出名謳樂飲

過三爵緩帶傾庶羞主稱千金壽賓奉萬年酬久要不

可忘薄終義所尤謙謙君子德馨折欲何求驚風飄白日
光景馳西流盛時不可再百年忽我邁生存華屋處
零落歸山丘先民誰不歿知命亦何憂

右一曲
本辭

公無渡河

梁劉孝威

請公無渡河河廣風威厲檣偃落金烏舟傾沒犀柅紺
蓋空嚴祀白馬徒牲祭銜石傷寡心崩城掩孀袂劒飛
猶共水魂沈理俱逝君爲川后臣妾作姜妃娣

同前

陳張正見

金堤分錦纜白馬渡蓮舟風嚴歌響絕浪湧榜人愁櫂
折桃花水帆橫竹箭流何言沈璧處千載偶陽侯

置酒高殿上

陳張正見

陳王開甲第粉壁麗椒塗高牕侍玉女飛闥敞金鋪名
香散綺幕石墨彫金鑪清醪稱玉饋浮蟻擅蒼梧鄒嚴
恒接武申白日相趨容與升階玉差池曳履珠千金一
巧笑百萬兩鬟姝趙姬未鼓瑟齊客罷吹竽歌喧桃與
李琴挑鳳將雛魏君慙舉白晉主媿投壺風雲更代序
人事有榮枯長卿病消渴壁立還成都

墨一作研

同前

江揔

三清傳旨酒柏梁奉歡宴霜雲動玉葉凍水踈金箭羽
箭響鐘石流泉灌金殿盛時不再得光景馳如電

笙簾謠

樂府無名氏次劉孝威後置襍歌中

結交在相得骨肉何必親
甘言無忠實世薄多蘇秦
從風暫靡草富貴上昇天
不見山巔樹摧圯下爲薪
豈甘

井中泥上出作埃塵

一云時至出作塵

五引

晉書樂志曰五聲宮爲君宮之爲言中也中和之道無往而不理焉商爲臣商之爲言彊也謂金性之堅彊也角爲民角之爲言觸也謂象諸陽氣觸物而生也徵爲事徵之爲言止也言物盛則止也羽爲物羽之爲言舒也言陽氣將復萬物孳育而舒生也是以聞宮聲使人溫良而寬大聞商聲使人方廉而好義聞角聲使人惻隱而仁憂聞徵聲使人樂養而好施聞羽聲使人恭儉而好禮隋書樂志曰舊三朝設樂有登歌以其頌祖宗之功烈非君臣之所獻也於是

樂苑

卷七

七

去之三朝第一奏相和五引陳氏因焉隋文帝
開皇中改五引爲五音唯迎氣於五郊降神奏
之月令所謂孟春其音角也按古有清角清徵
之流此則當聲爲曲卽五音是也唐書樂志曰
五郊迎氣各以月律而奏其音蓋因隋舊制云
按此本梁三朝雅樂而郭氏併箜篌引載爲相
和六引今從之隋書載約
辭以角徵宮商羽爲次

宮引

梁沈約

八音資始君五聲興此和樂感百精優游律呂被咸英

同前

隋書樂志曰普通中薦蔬以後勅蕭子雲
改諸歌辭爲相和引則依五音宮商角徵

羽爲第次非
隨月次也

蕭子雲

宅中爲君聲之始氣和而應律生子四宮旣作陰陽理

商引

沈約

司秋紀兌奏西音激揚鍾石和瑟琴風流福被樂愔愔

同前

蕭子雲

君臣數九發涼風三絃夷則白藏通玄諧候管和六同

角引

沈約

萌生觸發歲在春咸池始奏德尚仁愆慝以息和且均

同前

蕭子雲

蟄蟲始振音在斯五聲六律旋相爲韶繼夏盡備咸池

徵引

沈約

執衡司事宅離方滔滔夏日火德昌八音備舉樂無疆

同前

蕭子雲

朱明在離日長至候氣而動徵爲事六樂成文從之備

羽引

沈約

英紀運冬冰折物爲音本和且悅窮高測深長無絕

同前

蕭子雲

其音爲物登玄英制畱循短位濁清惟皇創則和且平

相和曲一

古今樂錄曰張永元嘉技錄相和有十五曲一曰氣出唱二曰精列三曰江南四曰度關山五曰東光六曰十五七曰薤露八曰蒿里九曰觀歌十曰對酒十一曰雞鳴十二曰烏生十三曰平陵東十四曰東門十五曰陌上桑氣出唱精列度關山薤露蒿里對酒並魏武帝辭十五文帝辭江南東光雞鳴烏生平陵東陌上桑並古辭是也觀歌東門皆無其辭陌上桑歌瑟調古

辭豔歌羅敷行日出東南隅篇觀歌張錄云無
辭而武帝有往古篇東門張錄云無辭而武帝
有陽春篇或云歌瑟調古辭東門行入門悵欲
悲也古有十七曲其武陵賜雞二曲亡按宋書
樂志陌上桑又有文帝棄故鄉一曲亦在瑟調
東西門行及楚辭鈔今有人武帝駕虹蜺二曲
皆張錄
所不載

氣出唱

三首

魏武帝

駕六龍乘風而行行四海外路下之八邦歷登高山臨
谿谷乘雲而行行四海外東到泰山仙人玉女下來翔
遊驂駕六龍飲玉漿河水盡不東流解愁腹飲玉漿奉
持行東到蓬萊山上至天之門玉闕下引見得入赤松
相對四面顧望視正焜煌開王心正興其氣百道至傳

告無窮閉其口但當愛氣壽萬年東到海與天連神仙
之道出窈入冥常當事之心恬淡無所惴欲閉門坐自
守天與期氣願得神之人乘駕雲車驂駕白鹿上到天
之門來賜神之藥跪受之敬神齊當如此道自來

闕一作關

華陰山自以爲大高百丈浮雲爲之蓋仙人欲來出隨
風列之雨吹我洞簫鼓瑟琴何閭閻酒與歌戲今日相
樂誠爲樂玉女起起僂移數時鼓吹一何嘈嘈從西北
來時仙道多駕烟乘雲駕龍鬱何蓊蓊遨遊八極乃到
崑崙之山西王母側神仙金止玉亭來者爲誰赤松王
喬乃德旋之門樂共飲食到黃昏多駕合坐萬歲長宜

子孫

遊君山甚爲真確礧砢爾自爲神乃到王母臺金階
玉爲堂芝草生殿旁東西廂客滿堂主人當行觴坐者
長壽遽何央長樂甫始宜孫子常願主人增年與天相

守

右三曲魏晉樂所奏前曲
翔一作遨焜煌一作惶惶

精列

魏武帝

厥初生造化之陶物莫不有終期莫不有終期聖賢不
能免何爲懷此憂願螭龍之駕思想崑崙居思想崑崙
居見欺於迂怪志意在蓬萊志意在蓬萊周孔聖徂落
會稽以墳丘會稽以墳丘陶陶誰能度君子以弗憂年

之暮奈何過時時來微

右一曲魏晉樂所奏過時一作時過

江南

樂府解題曰江南古辭蓋美芳晨麗景嬉遊得時也梁武帝作江南弄以代西曲又

有採蓮採菱劉緩江南可採蓮皆出於此

古辭

江南可採蓮蓮葉何田田魚戲蓮葉間魚戲蓮葉東魚

戲蓮葉西魚戲蓮葉南魚戲蓮葉北

右一曲魏晉樂所奏

江南思

宋湯惠休

幽客海陰路畱戍淮陽津垂情向春草知是故鄉人

同前

二首後首文苑英華作江南行

梁簡文帝

江南有妙伎時則應璫樞月暈蘆灰缺秋還懸炭枯含

和九轉芳樹蔭千株何辭天后誚終是到僊都

千一作三

到一
作列

桂楫晚應旋歷岸扣輕舷紫荷擎釣鯉銀筐插短蓮人
歸浦口暗那得久回船銀一作銅

江南曲

梁柳惲

汀洲採白蘋日落江南春洞庭有歸客瀟湘逢故人故
人何不返春華復應晚不道新知樂只言行路遠應一作將

同前

沈約

櫂歌發江潭采蓮渡湘南宜須閑隱處舟浦予自諳羅
衣織成帶墮馬碧玉簪但令舟楫渡寧計路嵌嵌一作斬嵌

江南可採蓮

梁劉緩

春初北岸涸夏月南湖通卷荷舒欲倚芙蓉生卽紅棹
小宜回逕船輕好入叢釵光逐影亂衣香隨遞風江南
少許地年年情不窮

度關山

樂府解題曰魏樂奏武帝辭言人君當自勤苦省方黜陟省刑薄賦也

魏武帝

天地間人爲賢立君牧民爲之軌則車轍馬迹經緯四
極絀陟幽明黎庶繁息於鑠賢聖摠統邦域封建五爵
井田刑獄有燔丹書無普赦贖臯陶甫侯何有失職嗟
哉後世改制易律勞民爲君役賦其力舜漆食器畔者
十國不及唐堯采椽不斷世歎伯夷欲以厲俗侈惡之

大儉爲共德許由推讓豈有訟曲兼愛尚同疏者爲戚

右一曲魏晉音樂所
奏侯宋書作刑

同前

梁簡文帝

關山遠可度遠度復難思直指遮歸道都護摠前期力
農爭地利轉戰逐天時材官蹶張皆命中弘農越騎盡
舉旗舉旗遠不息驅虜何窮極狼居一封難再覩閼氏
永去無容色銳氣且橫行朱旗亂日精先屠光祿塞却
破夫人城凱還歸舊里非是銜功名

同前

戴嵩

昔聽隴頭吟平居已流涕今上關山望長安樹如薺千

樂七

卷十四

九

里非鄉邑百姓爲兄弟軍中大體自相褒其間得意各
分曹博陵輕俠皆無位幽州重氣本多豪馬銜苜蓿葉
劒瑩鶚鵠膏初征心未息復值鴈飛入山頭看月近草
上知風急笛喝曲難成笳繁響還澀武帝初承平東伐
復西征薊門海作漸榆塞冰爲城催令四校出倚望三
邊平箭服朝來動刀環臨陣鳴將軍一百戰都護五千
兵且決雄雌眼前利誰道功名身後事丈夫意氣本自
然來時辭第已聞天但令此身與命在不持烽火照甘
泉

同前

柳惲

長安倡家女出入燕南垂唯持德自美本以容見知舊
聞關山遠何事摠金羈妾心日已亂秋風鳴細枝

長安一作

同前

劉遵

隴樹寒色落塞雲朝欲開谷深聲易響路狹幘難回當
知結綬去非是棄繻來行人思顧返道別且徘徊願度
關山鶴勞歌立可哀

同前

王訓

邊庭多警急羽檄未曾閒從軍出隴阪驅馬度關山關
山恒掩靄高峰白雲外遙望秦川水千里長如帶好勇

自秦中意氣本豪雄少年便習戰十四已從戎昔年經
上郡今歲出雲中遼水深難渡榆關斷未通折衝凌絕
域流蓬驚未息胡風朝夜起平沙不相識兵法賈先聲
軍中自有程逗遛難贖罪先登盡一城都護疲詔吏將
軍擅發兵平盧疑縱火飛鴟畏犯營輕重一爲虜金刀
何用盟誰知出塞外獨有漢飛名

衝一作衝
難一作皆

同前

陳張正見

關山度曉月劒客遠從征雲中出迴陣天外落奇兵輪
摧偃去節樹倒礙懸旌沙揚折坂暗雲積榆溪明馬倦
時銜草人疲屢看城寒隴胡笳澀空林漢鼓鳴還聽鳴

咽水併切斷腸聲

同前

集題云
關山篇

周王褒

從軍出隴坂驅馬度關山
關山恒晻藹高峰白雲外
遙望秦川水千里長如帶
好勇自秦中意氣多豪雄
少年便習戰十四已從戎
遼水深難度榆關尚未通

東兂

古今樂錄曰張永元嘉枝錄云東
兂舊但弦無音宋識造其歌聲

古辭

東兂平蒼梧何不平倉梧多腐粟無益諸軍糧
諸軍遊

蕩子早行多悲傷

平書作乎平糧叶韻疑平
是右一曲魏晉樂所奏

十五

古今樂錄曰十五歌文帝辭
後解歌瑟調西山一何高

魏文帝

登山而遠望谿谷多所有梗枿千餘尺衆草芝盛茂華
葉耀人目五色難可紀雉雊山雞鳴虎嘯谷風起號羆
當我道狂顧動牙齒

右一曲魏晉樂所奏

薤露

崔豹古今注曰薤露蒿里並喪歌也本出田橫門人橫自殺門人傷之爲作悲歌言

人命奄忽如薤上之露易晞滅也亦謂人死魂魄歸於蒿里至漢武帝時李延年分爲二曲薤露送王公貴人蒿里送士大夫庶人使挽柩者歌之亦謂之挽歌譙周法訓曰挽歌者漢高帝召田橫至尸鄉自殺從者不敢哭而不勝哀故爲挽歌以寄哀音樂府解題曰左傳齊將與吳戰於艾陵公孫夏命其徒歌虞殯杜預云送死薤露歌卽喪歌不自田橫

始也一曰泰山吟行

古辭

薤上露何易晞。露晞明朝更復落。人死一去何時歸。

同前

魏武帝

惟漢二十二世。所任誠不良。沐猴而冠帶。知小而謀彊。猶豫不敢斷。因狩執君王。白虹爲貫日。已亦先受殃。賊臣執國柄。殺主滅宇京。蕩復帝基業。宗廟以燔喪。播越西遷移。號泣而且行。瞻彼洛城郭。微子爲哀傷。

右一曲
魏晉樂

所奏

同前

樂府解題曰曹植擬薤露行爲天地無窮極

陳思王植

天地無窮極。陰陽轉相因。人居一世間。忽若風吹塵。願得展功勤。輸力於明君。懷此王佐才。慷慨獨不羣。鱗介

尊龍神走獸宗麒麟蟲獸豈知德何況於士人孔氏刪
詩書王業粲已分騁我徑寸翰流藻垂華芬

同前

晉張駿

在晉之二世皇道昧不明主暗無良臣姦亂起朝庭七
柄失其所權綱喪典刑愚猾窺神器牝雞又晨鳴哲婦
逞幽虐宗祀一朝傾儲君縊新昌帝執金墉城旤釁萌
宮掖胡馬動北垆三方風塵起獫狁竊上京義士扼素
腕感慨懷憤盈誓心蕩衆狄積誠徹昊靈

姦一作艱

惟漢行

魏陳思王植

太極定二儀清濁始以形三炁炤八極天道甚著明爲

人立君長欲以遂其生行仁章以瑞變故誠驕盈神高而聽卑報若響應聲明主敬細微三季膏天經二皇稱至化盛哉唐虞庭禹湯繼厥德周亦致太平在昔懷帝時日昃不敢寧濟濟在公朝萬載馳其名

同前

晉傳玄

危哉鴻門會沛公幾不還輕裝入人軍投身湯火間兩雄不俱立亞父見此權項莊奮劒起白刃何翩翩伯身雖爲蔽事促不及旋張良習坐側高祖變龍顏賴得樊將軍虎叱項王前嗔目駭三軍磨牙咀豚肩空卮讓霸王主臨急吐奇言威凌萬乘主指顧回泰山神龍困鼎鑊

非噲豈得全
狗屠登上將
功業信不原
健兒實可慕
腐儒安足歎

虎一作獸

蒿里

古辭

蒿里誰家地
聚歛魂魄無
賢愚鬼伯一
何相催促人
命不得少踟躕

同前

魏武帝

關東有義士
興兵討羣兇
初期會盟津
乃心在咸陽
軍合力不齊
躊躇而鴈行
勢利使人爭
嗣還自相戕
淮南弟稱號
刻璽於北方
鎧甲生蟣虱
萬姓以死亾
白骨露於野
千里無雞鳴
生民百遺一
念之斷人腸

右一曲魏晉樂所奏

同前

宋鮑照

同盡無貴賤殊願有窮伸馳波催永夜零露逼短晨結
我幽山駕去此滿堂親虛容遺劒佩美貌戢衣巾斗酒
安可酌尺書誰復陳年代稍推遠懷抱日幽淪人生良
自劇天道與何人齋我長恨意歸爲狐兔塵

馳波催永夜一作漏

馳催永夜零露逼短晨一作露宿逼短晨結集作驅美一作嘉又作實

挽歌

莊子曰紼謳所生必於斥苦司馬彪注云紼引柩索也斥踈緩苦用力也引紼所有

謳者爲人用力慢緩不齊促急之也風俗通曰京師殯婚嘉會酒酣之後續以挽歌于寶搜神記曰挽歌者喪家之樂執紼者相和之聲也晉書禮志曰漢魏故事大喪及大臣之喪執紼者挽歌新禮以爲挽歌出於漢武帝役人之勞歌聲哀切遂以爲送終之禮雖音

曲摧愴非經典所制違禮銜枚之義方正號
慕不宜以歌爲名除挽歌摯虞以爲挽歌因
倡和而爲摧愴之聲銜枚所以全哀此亦以
感衆雖非經典所載是歷代故事詩稱君子
作歌惟以告哀以歌爲名無所嫌宜定新禮
如舊今按薤露蒿里之後而以挽歌爲辭者
實始
繆襲

魏繆襲

生時遊國都死沒棄中野朝發高堂上暮宿黃泉下白
日入虞淵懸車息駟馬造化雖神明安能復存我形容
稍歇滅齒髮行當墮自古皆有然誰能離此者

同前

三首顏氏家訓曰輓歌辭者或云古者虞殯
之歌或云出自田橫之客皆爲生者悼往哀
苦之意陸平原多爲死人自歎之
言詩格旣無此例又乖製作本意

晉陸機

卜擇考休貞嘉命咸在茲夙駕警徒御結轡頓重基龍
輅被廣柳前驅矯輕旗殯宮何嘈嘈哀響沸中闈闈中
且勿喧聽我薤露詩死生各異倫祖載當有時舍爵兩
楹位啓殯進靈輜飲餞觴莫舉出宿歸無期惟衽曠遺
影棟宇與子辭周親咸奔湊友朋自遠來翼翼飛輕軒
駸駸策素騏按轡遵長薄送子長夜臺呼子子不聞泣
子子不知歎息重櫬側念我疇昔時三秋猶足收萬世
安可思殉歿身易亾救子非所能含言言哽咽揮涕涕

流離

喧一作嚙
涕一作淚

流離親友思惆悵神不泰素驂佇輜軒玄駟驚飛蓋哀

鳴輿殯宮迴遲悲野外魂輿寂無響但見冠與帶備物
象平生長旌誰爲飾悲風鼓行軌傾雲結流靄振策指
靈丘駕言從此逝

鼓一作徽

重阜何崔嵬玄廬竄其間磅礴立四極穹崇效蒼天側
聽陰溝涌臥觀天井懸廣宵何寥廓大暮安可晨人往
有返歲我行無歸年昔居四民宅今託萬鬼鄰昔爲七
尺軀今成灰與塵金玉昔所佩鴻毛今不振豐肌饗螻
蟻妍姿永夷泯壽堂延魑魅虛無自相賓螻蟻爾何怨
魑魅我何親拊心痛荼毒永歎莫爲陳

效一作放昔一作素姿一作骸

又

諸集不載見
太平御覽

魂衣何盈盈
旃旒何習習
父母拊棺號
兄弟扶筵泣
靈輶動輶輶
龍首矯崔嵬
挽歌挾轂唱
嘈嘈一何悲
浮雲中容與
飄風不能迴
淵魚仰失梁
征鳥俯墜飛

昭明機士庶挽

歌辭云延植爲塗車束薪作芻靈

同前

集云擬挽歌辭三首

晉陶潛

荒草何茫茫
白楊亦蕭蕭
嚴霜九月中
送我出遠郊
四面無人居
高墳正嵯峨
馬爲仰天鳴
林風自蕭條
幽室一已閉
千年不復朝
千年不復朝
賢達無奈何
向來相送人
各已歸其家
親戚或餘悲
他人亦已歌
死去何所道
託體同山阿

馬爲仰天鳴一作鳥爲動哀鳴林風一作風聲又作風爲已歸一作自還

有生必有死早終非命促昨暮同爲人今旦在鬼錄魂
氣散何之枯形寄空木嬌兒索父啼良友拊我哭得失
不復知是非安能覺千秋萬歲後誰知榮與辱但恨在
世時飲酒恒不足

一作不得足

在昔無酒飲今但湛空觴春醪生浮蟻何時更能嘗有
案列我前親戚哭我傍欲語口無音欲視眼無光昔在
高堂寢今宿荒草鄉荒草無人眠極視正茫茫一朝出
門去歸來良未央

今但湛空觴一作但恨堪空觴列我前一作盈我前一朝一作相送良一

作夜

同前

謝綽拾遺錄曰太祖嘗召延之傳詔頗日尋覓不值太祖曰但酒店中求之自當得

也傳詔依旨訪覓果見延之在酒肆
裸身挽歌了不應對他月醉醒乃往

宋顏延之

令龜

明兆撒奠在方昏戒徒赴幽冥祖駕出高門行

行去城邑遙遙守丘園息鑣竟平遂稅駕別巖根

闕

同前

宋鮑照

獨處重冥下憶昔登高臺傲岸平生中不爲物所裁
埏門只復閉白蟻相將來生時芳蘭體小蟲今爲
灾玄鬢無復根枯體依青苔憶昔好飲酒素盤進
青梅韓彭及廉藺疇昔已成灰壯士皆歿盡餘人
安在哉

同前

北齊祖珽

昔日驅駟馬謁帝長楊宮旌懸白雲外騎獵紅塵中今
來向漳浦素葢轉悲風榮華與歌笑萬事盡成空

日一作時

對酒

樂府解題曰魏樂奏武帝所賦對酒歌太平其旨言王者德澤廣被政理人和萬物

咸遂

魏武帝

對酒歌太平時吏不呼門王者賢且明宰相股肱皆忠

良咸禮讓民無所爭訟三年耕有九年儲倉穀滿盈斑

白不負戴雨澤如此五穀用成却走馬以糞其上田爵

公侯伯子男咸愛其民以黜陟幽明子養有若父與兄

犯禮法輕重隨其刑路無拾遺之私囹圄空虛冬節不

斷人耄耄皆得以壽終恩德廣及草木昆蟲

右一曲魏樂所奏

同前

題云常對酒

梁范雲

對酒心自足故人來共持
方悅羅衿解誰念髮成絲
徇往良爲達求名本自欺
迨君當歌日及我傾樽時

同前

張率

對酒誠可樂此酒復芳醇
如華良可饗似乳更甘珍
何當留上客爲寄掌中人
金樽清復滿玉椀亟來親
誰能共遲暮對酒惜芳晨
君歌尚未罷却坐避梁塵

同前

陳張正見

當歌對玉酒匡坐酌金罍
竹葉三清汎蒲萄百味開
風移蘭氣入月逐桂香來
獨有劉將阮忘情寄羽杯

同前

岑之敬

色映臨池竹香浮滿砌蘭舒文汎玉盃漾蟻溢金盤簫
曲隨鸞易笳聲出塞難唯有將軍酒川上可除寒

同前

集云對酒歌文苑英華作范雲


周庾信

春水望桃花春洲藉芳杜琴從綠珠借酒就文君取牽
馬向渭橋日曝山頭脯山簡接離倒王戎如意舞箏鳴
金谷園笛韻平陽塢人生一百年歡笑唯三五何處覓
錢刀求爲洛陽賈

馬一作牛曝一作落

古樂苑卷第十四

終



月詞

色映臨池竹香浮清池月照人天金風送爽

曲隨驚易俗聲出寒簾惟有打金魚池上水

同前
月照金魚池上水

春水望桃花春洲綠芳杜生花輕羅珠箔酒醒人

馬向斜橋日暮山頭獨山閣樓閣似王戎如老

金谷園當讀平陽鳩人坐一百年秋大唯三五

錢刀求為洛陽賈

古樂苑卷第十四

